

Aralin 2 "INTERFAITH DIALOGUE"



Tungkol saan ang aralin 2?

Sinasabing ang usaping pangkapayapaan ay may kaugnayan sa paniniwala, pananampalataya, at kultura ng mga mamamayang nakatira sa isang lugar. Dahil dito, malaki ang papel na ginagampanan ng simbahan at relihiyon sa paglutas, pagsulong at pagpapanatili ng usaping ito. Malaki ang nagagawa ng pagtutulungan ng bawat pinuno ng bawat relihiyon sa pagtukoy ng epektibong hakbang para makamit ang tunay na kapayapaan ng isang lugar. Ito ay tinatawag na “Interfaith Dialogue.”

Ano-ano ang matututuhan mo sa modyul na ito?

Pagkatapos mong pag-aralan ang araling ito, makakaya mo nang gawin ang sumusunod:

- o nasusulat nang buo ang mga daglat
- o nasasabi ang kahulugan ng “Interfaith Dialogue”
- o nasasagot ang mga tanong na may kinalaman sa kwento
- o nabibigyan ng kahulugan ang mga datos na nasa talaan at
- o natutukoy ang kahalagahan ng pagkakaisa ng iba’t ibang relihiyon sa pagsulong ng kapayapaan

Ano-ano na ang alam mo?

- A. Basahin at unawain ang bawat aytem. Isulat sa sagutang papel ang letra ng tamang sagot.
1. Pinaiksing pagsulat ng isang salita na karaniwang ginagamit sa katungkulan ng isang tao at sa mga teknikal na salita.
a. daglat b. akronim c. talasalitaan
 2. Tawag sa namumuno sa misa sa relihiyong Katoliko.
a. Pastor b. Ustadz c. Pari
 3. Pagpupulong ng lahat ng mga pinuno ng simbahan upang lutasin ang isang suliranin.
a. interfaith dialogue b. peace talk c. prayer vigil
 4. Tawag sa namumuno sa pagsamba sa relihiyong Islam
a. Kalipa b. Sultan c. Ustadz
 5. Organisasyong nagsasagawa ng programang panlipunan na hindi sangay ng pamahalaan at hindi naman pang-negosyo.
a. NGO b. NGA c. GOCC

B. Isulat ang daglat ng sumusunod:

1. Hadji _____ 2. Monsignor _____ 3. Brother _____

C. Basahin at unawain ang talaan sa ibaba. Sagutin ang mga tanong.

Mga alagad ng simbahan ng iba't ibang relihiyon ng Bayan ng Lamitan	Bilang
1. Pari	7
2. Madre	15
3. Pastor	10
4. Ustadz	14
Kabuuan	


Tanong:

1. Alin sa mga alagad ng simbahan ang may pinakamaliit na bilang?
2. Alin naman ang halos magkasindami ang bilang?
3. Ilan ang kabuuan ng alagad ng simbahan sa bayan ng Lamitan?

Isangguni sa pahina 64 ang sagot.



Basahin Natin



Sila ang mga iniimbitahang panauhin.


- 1) *Father Jessie Rodriguez*
Katoliko
- 2) *Pastor Rolly Ejada*
Protestante
- 3) *Ustadz Wahid Uddin*
Islam
- 4) *Apo Lumad Ingkal Mabala*
- 5) *Honorable Gamar Alih*
Barangay Chairman



Sa Baranggay Hall

Palala nang palala ang sigalot sa pagitan ng kapatid nating Bisaya at Yakan, kailangan na nating kumilos. Tingnan ninyo ang talaang ito. Ano po ang masasabi ninyo Hon. Gamar?

Buwan	Mga Bilang ng mga Biktima Baranggay Nicogon, 2006		
	Nasugatan	Namatay	Kabuuan
Enero	17	1	18
Pebrero	20	20	
April	29	1	30
Oktubre	34	2	36
Kabuuan	100	4	104



Pinaliimbestigahan ko na sa aking Lupong Tagapamayapa. Magpapanukala ako ng batas sa konseho. May kasunduan na kami ng mga pulis tungkol dito.

Kayo naman po Ustadz. Wahid, ano ang inyong maimumungkahi?

Manawagan ng pagkakaisa sa sermon.
Mag-organisa ng pagpupulong sa lugar tungkol sa kapayapaan.
Makipag-ugnayan sa iba't ibang sektor.



Kayo po Fr. Jessie, ano naman po ang plano ninyong gawin sa inyong hanay?

Ipagpatuloy ang dayalogong pangkapayapaan sa pagitan ng iba't ibang sektor.
Manawagan ng pakakaisa sa misa at ilunsad ang:

- Peace Forum
- Youth Encampment
- Youth Crisis Center para sa kabataan
- Cultural Festival



Pastor Rolly, ano naman po ang inyong balak na ipatupad sa inyong grupo?

"INTERFAITH
DIALOGUE"



Manawagan ng pagkakaisa sa misa, bible studies, tv, at radio programs.
Mag-organisa ng prayer o peace rally.

Apo Ingkal, Ano naman po ang inyong masasabi?



Kinokondena naming mga Lumad ang mga pangyayaring ito. Ngunit handa kaming makipag-tulungan sa iba't ibang sektor para sa pagkakaisa at kapayapaan.

Tiyak kong malaki ang maitutulong ng inyong mga mungkahi para maisaayos ang kalagayan sa ating lugar. Maaasahan rin ninyo ang tulong ng NGO.

Ano ang susunod na hakbang na ating gagawin?

Kailangang simulan na natin sa isang Peace Rally. At lahat tayo ay manawagan.


Pati sina Cecile at Maira ay kailangan ding magsalita upang magsilbing huwaran.



Gawin Natin

Sagutan ang sumusunod

- A. Isulat sa kahon ang mga salitang may kaugnayan sa salitang nasa gitna.
Gamitin ang mga salitang nakasulat sa bandang kaliwa.



Isangguni sa pahina 64 ang sagot.

Sulatin Natin

B. Punan ng tamang impormasyon ang talaan batay sa binasang teksto.

Pangalan	Katungkulan	Daglat ng katungkulan	Relihiyon/Sektor na kinakatawan

Isangguni sa pahina 65 ang sagot



Pag-usapan Natin

Ano ang nais ipahiwatig ng bersong ito? Ipaliwanag.

***“Napakaligaya at kahanga-hanga
sa ating pagmamasid***

***Ang nagkakaisa at laging
sama-samang magkakapatid”***

Awit: 133



Alamin Natin

Ang katagang “Interfaith Dialogue” ay nabuo nang isinagawa ang pagtitipon-tipon ng iba’t ibang relihiyon sa buong mundo sa Chicago, USA noong 1893.

Misyon ng mga Interfaith Groups na:

1. Mabigyan ng tamang kaalaman ang mga kabataan tungkol sa iba’t ibang relihiyon upang mapawi ang maling pananaw nito sa relihiyon.
2. Maging dahilan sa pagiging magkakaibigan ng mga miyembro ng iba’t ibang relihiyon.
3. Mapangalagaan ang karapatang pantao at kapaligiran.
4. Makabuo ng panlipunang kabutihan at pakikipagkasunduan.
5. Magkaroon ng kaayusan sa ekonomiya at pandaigdigang pamamahala ayon sa pinagsasang-ayunan na kaugalian at prinsipyo ng mga relihiyon.
6. Matigil ang anumang karahasan sa ngalan ng pananampalataya, hustisya, at pagkakasundo ng bawat isa.



Pag-isipan Natin

Tula.

Kayang-kaya Kapag Sama-sama

Sulirani'y gaano man kalaki
Tiyak may kalakip na susi
Bawat isa'y may magagawa
Kung ito'y tutulong na kusa

Kristiyano, Muslim at Lumad
Lahat ay kapayapaang hangad
Kapag talino't lakas pinagsama
Anumang bigat nito ay kayang-kaya



Kwentahin Natin

Pag-aralan ang talaan.

Sagutin ang tanong na sumusunod:

Talaan A

Relihiyong Kristiyano	Bilang ng Kasapi
1. Katoliko	7,075
2. Iglesia Ni Kristo	4,212
3. Protestante	2,805
4. Aglipayan	1,240
5. Born Again	794
6. Adventist	804
7. Baptist	547
8. Mga Saksi ni Jehova	341
Kabuuan	

Tanong:

a. Aling mga relihiyon ang may pinaka kakaunting kasapi?

b. Aling mga relihiyon ang halos magka-pareho ng dami ang kasapi?

c. Ilan ang kabuuang bilang ng relihiyong Kristiyano na nakasulat sa talaan?


d. Alin ang pangalawa sa pinakamaliit na relihiyon sa talaan?



Sagutin Natin

Buuin ang pagkakasulat ng sumusunod na daglat:


1. Tawag sa babaeng may asawa.

Gng.  _____

2. Tawag sa pari ng simbahang Katoliko

Fr.  _____

3. Tawag sa tagapagsermon sa relihiyong Islam.

Ustz.  _____

4. Tawag sa pinuno ng baranggay.

Hon.  _____

Tingnan sa pahina 66 ang sagot.




Tandaan Natin

1. Ang **Interfaith Dialogue** ay ang pagpupulong ng mga pinuno ng simbahan ng isang lugar upang pag-usapan at lutasin ang isang usaping kinakaharap ng kanilang lugar. Inaasahan na magkakaroon ng kasunduang tanggap ng bawat kasapi bilang resulta ng pagtitipong ito.
2. Ang **Daglat** ay ang pinaiksing pagkasulat ng isang salita. Karaniwan itong ginagamit sa titulo ng katungkulan ng isang tao at sa mga teknikal na salita. Ito ay karaniwang nakasulat na may kasamang tuldok.
3. Ang **Talaan** ay isang mabisang paraan ng pagpapaliwanag na ginagamitan ng mga istadistika upang lubos na maunawaan ang mga kahulugan ng mga datos na nakapaloob dito.

Alamin ninyo ang inyong natututuhan

A. Palaisipan

- a) Pahalang (katungkulan sa pananampalataya)
 - 1. Tawag sa pinuno ng simbahang Protestante
 - 2. Tawag sa pinuno ng relihiyong Muslim
 - 3. Tawag sa pinuno ng simbahang Katoliko
- b) Pababa (Relihiyon)
 - 4. Tawag sa relihiyon na nagtuturo ng Katekismo
 - 5. Tawag sa relihiyon na kilala din sa tawag na "Alliance"
 - 6. Tawag sa relihiyon ng Muslim



Tingnan sa pahina 66.

B. Sa tatlong pangungusap, ilarawan ang inyong natutuhan sa araling ito.

1. _____

2. _____

3. _____